


欽定八旗通志

人物志

卷二百

九十八



欽定八旗通志卷一百九十八

人物志七十八

大臣傳六十四

漢軍正白旗三
昌·費雅達·偏圖·黃國材

宜兆熊 石文焯

徐治都

徐治都漢軍正白旗人二等男徐大貴子初任佐

領兼叅領康熙七年擢直隸天津總兵八年調湖

廣彝陵總兵十三年正月逆藩吳三桂陷湖南沅

州治都率兵赴援旋以四川巡撫羅森總兵譚宏
叛應吳逆治都奉

詔自常德回守彝陵三月叛鎮楊來嘉劉之復等擁眾數
萬乘舟犯彝陵治都率兵撲勦賊眾登岸誘戰驟
以飛棹薄我城治都先已布置嚴密水陸相犄角
擊却賊眾八月楊來嘉糾黨據南漳各寨分路出
犯治都同襄陽總兵劉成龍率兵征勦斬殺過半
上嘉治都久守衝要下部議敘加左都督銜初治都赴援

常德其妻許氏聞隣境兵民多從逆權以治都令
約鎮標將弁撫慰士卒曉以大義并脫簪珥服飾
以資犒勞彝陵右瀕江總兵官解在江濱十五年
四月賊眾駕船數百來犯治都沿江堵截賊突逼
官解鎗礮齊發許氏中礮死湖廣總督蔡毓榮提
督桑額合疏以

聞具述治都矢志忠貞奮不顧家狀十八年三月擢湖廣
提督四月偽將軍王鳳岐擁賊眾據巫山

上慮江水泛漲時賊乘虛突犯夔陵荆州

命治都嚴行堵禦七月疏言夔陵一隅爲楚蜀咽喉今賊

據巫夔上游呼吸可至宜速修五板戰艦一百並

招募土著水手操練嫻熟令夔陵鎮臣胡世英統

領以備水路防勦臣同襄陽總兵劉成龍前赴歸

州與安巴東形勢之地相機進勦事下所司議行

詔治都同四川總督楊茂勲統舟師征夔州重慶十九年

正月師至巫山楊來嘉王鳳岐與僞總兵王存仁

集賊衆萬餘負險自固我師奮勇奪山隘賊衆奔

潰復以數騎突犯治都揮刀力戰敗之楊來嘉棄

馬越山而遁王鳳岐就擒陣斬三千餘級復巫山

縣城乘勝規取夔州僞將軍劉之衛僞總兵瞿洪

陞開關納欵遂復夔州府城叛鎮譚宏遣子僞將

軍譚天秘率僞總兵譚地晉譚地升繳敕印詣軍

門降治都奉

詔還守夔陵荆州諸處九月譚宏譚天秘等復叛瀘州叙

州俱陷夔州震動治都同鎮安將軍噶爾漢統兵
溯江而上分軍三隊擊賊陣擒偽總兵易文奇進
抵下關城賊衆望風膽落棄關而遁追斬甚衆餘
賊奔入雲陽二十年進征雲陽屢挫賊鋒擒偽總
兵向旭暉時譚宏死譚天秘勢窮竄遁萬縣梁山
忠州悉平敘功晉階四等二十七年湖廣督標裁
兵夏逢龍糾衆倡亂據武昌城治都赴勦至應城
縣遇賊衆擊却之隨駐軍應城賊衆環逼治都分

兵內外夾擊賊大潰奔德安逢龍聚賊衆齊赴金
口以偽總兵楊兆先潛襲我軍後路治都偵知賊
情水陸嚴戒旣而蒲圻兵縛楊兆先赴軍前降餘
賊鼓譟來犯復乘北風排巨艦二十順流而下見
我水師嚴整不敢近遂泊龍川磯下登岸衝我營
壘我軍奮勇掩擊晝夜鏖戰斬殺殆盡逢龍勢窮
合賊衆駕船泊鯉魚潦欲給我軍出敵乘虛犯我
陸營治都遣叅將鄭興都司楊明錦協力防禦自

統戰艦沿江施鎗礮焚毀賊船賊旋犯我陸營復
戰却之斬七百餘級溺水死者無算偽總兵胡耀
乾率偽文武官以城降治都入武昌安撫軍民逢
龍竄黃州會振武將軍瓦岱統八旗兵至聞武昌
賊潰追至黃州偽總兵趙得等至軍前投誠黃岡
生員宜畏生擒逢龍以獻磔于市武昌黃州悉平
治都報捷得

旨嘉獎

賜戴孔雀翎敘功子雲騎尉世職三十二年入

覲

賜御用冠服三十三年

詔嘉其勞績茂著視提督孫思克施琅之例

特授爲鎮平將軍仍管提督事三十六年閏三月卒年六

十有七贈太子少保

賜祭葬如典禮諡襄毅長子永泰先于康熙十九年襲徐

大貴二等男爵次子永年襲雲騎尉職

王國昌

王國昌漢軍正白旗人康熙七年由官學生補內閣筆帖式尋改辦事中書遷侍讀歷遷刑部郎中監察御史內閣侍讀學士二十八年隨內大臣索額圖等赴尼布楚與俄羅斯議定界事竣還擢內閣學士三十一年授兵部督捕右侍郎三十四年丁繼母憂時廷議三路征噶爾丹中路以左都御史于成龍督運軍糧

命國昌以原銜偕大理寺卿喻成龍赴西路督運三十五年正月授

敕印二月西路大將軍費揚古裹五十日糧進勦約國昌等輓運以濟屆期未至五月大軍自昭莫多凱旋國昌等運米四千一百餘石還屯烏喇特部界請

旨

詔就近分給喀爾喀親王善巴等七旗兵十月敕國昌同于成龍等由呼坦和朔運米至喀喇穆掄軍營

贖前遲誤罪並坐塘効力三十六年正月大軍由
寧夏肅州兩路追勦噶爾丹國昌復同于成龍等
請自備駝馬運糧

允之會噶爾丹竄斃軍還停運十一月部臣請追議國昌
前罪有

旨寬免仍著議敘加四級三十七年擢山東巡撫三十八
年

上南巡國昌迎

薦

御書圭璋特達額並淵鑒齋法帖

賜之又

賜御用夏冠袍服四十年二月吏科給事中馬士芳劾國

昌于大計重典濫薦厯城令管承寵又徇庇溺職
之長清令崔錫榮不行題叅

諭令明白回奏尋

諭大學士等曰朕聽政四十餘年凡條奏之事稍有私意

斷不能欺朕馬士芳特不喜漢軍居督撫之任故將王國昌叅奏朕所知漢人數員已盡置外任果如張鵬翮李光地郭琇者能有幾人朕曾問李光地云山東巡撫王國昌雖無過人之才但心性和平地方尚受其益果在地方安靜卽百姓之福矣五月國昌疏辯部議管承寵爲巡撫私人並無實據應免議其溺職之崔錫榮該撫不于大計題叅應降一級在抵從之四十二年六月疏陳東省便民事宜一倉穀遵例存七

倉一德州倉米支放各營兵糧向係四季徵收春夏農忙時輸將難猝辦應動司庫銀買米支放其額徵米石俟秋後徵一額徵班匠銀四千餘兩均入地丁項下徵解一魯藩舊基地聽民墾種輸租卽於開墾之年陞科給印帖俾爲恒業下部議行閏六月疏報萊蕪新泰東平沂州蒙陰沂水六州縣被水請開倉賑部議如所請國昌又自捐俸三千三百兩補賑十月

上南巡回鑾

賜御書法理寬平清慎勤二額及表裏常交正動靜自弗
違聯四十二年七月疏報新泰等州縣復被水災
請將倉穀百二十餘萬石並應運漕米十餘萬石
平糶但倉穀不便久懸仰祈

聖慈暫開事例以實倉貯至動用漕米擬將康熙四十三
年以後俸工捐補部議平糶銀於次年秋收後買
穀還倉所捐俸工令地方官發買籽粒牛隻助民

穀還倉所捐俸工令地方官發買籽粒牛隻助民
耕種其請開事例無庸議先是

上以巡視河工過濟南軫念東省去歲被災降
旨蠲免錢糧並

命總督桑額以漕米二萬石交總河張鵬翮選員運赴濟
寧兗州等屬平糶加賑桑額另運米二萬石于泰
安一路協濟至是國昌疏報桑額所運米遵

旨散給河臣張鵬翮亦委員運米到東隨即酌撥各屬並

動用常平倉穀二十八萬石請于俸工分年捐還
奉

旨朕前諭桑額張鵬翮各將漕糧二萬運東賑糶此扈從
諸臣所共聞者今觀王國昌所奏將常平倉收貯米穀
俱行糶賣散給與朕原諭不符王國昌又稱捐康熙四
十二三年官員俸資衙門工食賠補似此何時方能完
結此項米穀應令速行賠補貯倉是月

特命遣官截留漕米五十萬石並派八旗官員各領帑銀

三千兩馳赴山東會同地方官賑養饑民以侍郎
穆和倫辛保卞永譽分三路巡察九月

上諭大學士九卿等曰朕因山左災荒勞心殫思屢行諮
訪歲歉非止今歲爲然地方官歷年隱匿不報今春朕
閱視河工親見災黎情形始行籌畫賑濟今歲田禾尚
有薄收之處巡撫布政使爲伊等素有欠缺欲巧圖完
補故甚其詞以奏報又夤緣科道紛紛急奏言人民相
食私糞或開事例或撥銀兩因于其中侵蝕託言賑濟

而實欲完補虧空以施鬼域之謀今京師遣往三路人員惟視巡撫等所指地方賑濟應將此事交三路大臣加意稽察時布政使劉暲內陞國昌疏留御史顧素因劾國昌匿災又同劉暲覬開事例補虧空請

賜罷斥

諭曰王國昌不過一謹愿人朕曾詢問李光地張鵬翮伊等亦言國昌在任並無劣蹟惟劉暲乃一能巧匪人將國昌任意驅使甚易事耳此事著同前諭九卿之旨一

併議奏會議國昌應革職得

旨姑留任十月部臣以國昌等擅動常平倉穀請催令賠

補

詔傳詢擅動之由同張鵬翮分賠尋

諭大學士等曰朕聞山東巡撫將賑濟饑民官員齎去銀兩俱收藩庫迄今猶未散給如此則賑濟饑民之事不致遲誤乎此銀俱自京師發往並非伊等庫內之項且前往賑濟人員係八旗佐領公舉殷實才能之人王國

昌等僅可查其養饑民之優劣其錢糧耗費與否係賑濟官員之事與伊等何涉而將此銀兩收貯至今仍不散給此係何心朕所不解是又劉暉之詭計也况派去三百餘人俱留濟南必致米價騰貴人皆受困可將朕旨交該部移問王國昌等十一月國昌回奏巡察大臣辛保等先後開賑因查極次貧民分別賑養稍稽時日疏下部議以國昌于被災時不卽令州縣官查明極次貧造冊迨巡察大臣到日藉此推諉應

卽行議罪奉

旨革任四十三年以新任布政使趙宏燮揭報劉暉虧庫項七萬餘兩

命侍郎舒輅傳作楫往勘得實舒輅等劾國昌藉捐俸補賑爲名將存貯沂州庫銀擅用一萬三千餘兩又徇隱劉暉于宏燮揭報後補叅塞責部議依律擬流并令照數賠補得

旨限兩月內賠完免其罪五十二年以

萬壽軍恩給還原職雍正六年卒

費雅達

費雅達漢軍正白旗人由鑾儀衛整儀尉累遷潼關副將康熙十四年陝西提督王輔臣叛應逆藩吳三桂附賊日衆費雅達遵

旨招撫邵陽縣神道嶺偽把總雷成金等四百餘名得

旨嘉獎時漢中尚未恢復十五年二月總督哈占提督張勇奏設漢中鎮總兵勦賊以費雅達才能練達謀

畧邁衆請陞補暫駐秦州得

旨費雅達著陞署都督僉事充陝西漢中總兵官十月費

雅達遣官招撫爲總兵賀天祥副將黃啟遊擊李

芳春朱彪臣等兵三千九百餘收僞劄關防馬騾

器械無算十七年大兵進取漢中十八年六月賊

衆萬餘結營於彘門鎮之高山堡費雅達偕將軍

佛尼勒爲頭隊督兵先登賊敗遁九月隨奮威將

軍王進寶入棧道費雅達自馬容河進道險分兵

越左右山梁自統兵由溝底爲中路更撥一軍爲
後應賊伐樹塞路我兵開通直抵秦嶺攻拔北木
城賊棄南木城遁斬級四百餘生擒四十左右後
應兵皆會追至靖寇關復分三路進賊倚蜈蚣嶺
拒守我兵自下仰攻進寶遣兵山後夾攻賊驚潰
追殺五百餘墜崖澗者無算時進寶復鳳縣城合
兵至武關費雅達由左攻擊斬關入賊大敗追至
雞頭關生擒僞總兵羅朝興斬獲千餘賊首王屏

藩走廣元遂復漢中敘功加都督同知十九年六
月同提督王之鼎防守永寧八月賊來犯拒守月
餘援絕城陷死之二十年追

贈左都督太子少保

賜祭葬諡忠勇

予騎都尉世職子維翰襲雍正七年費雅達入祀昭忠祠

偏圖

偏圖漢軍正白旗人本姓李隸內務府康熙十三

年八月由奉宸苑催長應

詔揀選授都司銜赴陝西勦吳三桂叛黨署督標右營遊

擊十四年二月叛賊李長腿引賊于餘犯淳化三水焚劫三原縣之杜寨偏圖與遊擊繳應善率兵六百自涇陽進勦至紅水溝擊斬李長腿等生擒四十餘人獲旗械馬羸又隨揚威將軍阿密達軍長武率綠旗前鋒兵由南路抵瓦雲驛擒偽守備二遂與副都統鄂克濟哈合兵趨涇州賊衆拒險

隘迎戰數四俱擊敗之進薄城下賊出城抗拒復斬三百餘級克其城偽總兵衛民譽等逃出南門據寨拒守偏圖率兵圍寨斬民譽降其餘衆三月同護軍統領舒淑擊敗賊首馬瑞軒于靈臺賊退守陶家堡攻克之斬級百餘四月同鄂克濟哈赴慶陽進援寧州沿途招降二十餘寨入州城偽總兵魏虎山馮嘉德等領賊兵八千倚山城出拒偏圖率綠旗爲前隊進攻自辰至未攻克山梁擒斬

甚衆賊遁蕭家山斷壕而守翼日偏圖分兵兩路
夾攻斬殪過半餘賊遠竄乃旋軍涇州六月同副
都統穆舒琿敗賊于鎮原縣八月隨貝勒洞鄂勒
王輔臣于平涼偏圖率兵二百五十同護軍統領
阿哈多等仰攻高阜賊壘破之十二月實授右營
遊擊十五年二月同副都統吳國正援商州復山
陽縣旋師擊敗僞總兵李茂榮于寬平里斬級百
餘四月賊陷三原之西陽鎮偏圖馳救賊潰遁追

至鳳凰山收撫陷掠男婦百餘五月隨大將軍圖
海圍平涼偏圖駐軍虎山墩斷賊糧道輔臣降圖
海以偏圖屢著戰功題陞潼關副將得

旨偏圖曾經効力行間今正勦滅賊寇之時仍留軍前征
勦遇缺另補十六年六月授陝西督標副將十七年閏
三月進勦興安偵賊二千餘據小山嶺掘壕樹柵
偏圖由窰兒溝繞出嶺旁攻毀賊巢追逐至香泉
殪賊無算十八年十月攻梁河關破賊營七遂復

興安及漢陰石泉等縣僞將軍謝泗僞總兵王永
實等各率衆降十九年三月

諭獎偏圖屢著戰功令隨勇畧將軍趙良棟恢復四川進

征雲南二十年正月

詔設雲南總兵七以偏圖與副將馬山等卽補時賊黨胡
國柱王緒擁衆二萬餘屯馬湖趙良棟檄偏圖堅
守雅州整飭官兵相機由間道規取象嶺大渡河
曬經關擒僞守備楊名聲于榮經縣斬賊一百二

十餘五月隨大軍克關山關沿途屢敗賊衆陣斬
及墮崖死者無算復黎州奪大渡河隘口沿河追
賊至火場壩僞總兵蔡國明戴聖恩于登明楊泗
等窮蹙乞降六月復越嵩衛及建昌乘勝入雲南
八月渡金沙江駐兵石虎關十月領兵奪取玉皇
閣及土橋東寺西寺三市街進薄城下賊平二十
一年實授永順總兵敘功加左都督三十三年正
月入

欽定八旗通志 卷一百九十八 人物志七十八
觀擢雲南提督四十五年復入

觀

賜孔雀翎良馬五十年內遷鑲白旗漢軍都統五十五年

九月卒年七十有七得

旨偏圖才技優長久著勞績簡任都統謹慎持身實心盡

職忽聞溘逝深為軫惻下部議卹

賜祭葬如例諡襄敬又

諭部曰偏圖前在軍前立功同緣旗官員一體議敘加左

都督今可照八旗例議給世職尋

允部議予騎都尉世職以其第三子李棟襲

黃國材

黃國材漢軍正白旗人祖廷柏由生員授江南靈

璧縣知縣調順天大興縣遷山西汾州府知府順

治六年大同總兵姜瓖叛攻汾州城陷廷柏死之

贈太僕寺卿國材於康熙十八年由監生考補內

閣中書二十二年遷都察院都事三十六年遷湖

廣漢陽府知府四十年授廣東雷瓊道莅任三年
總督郭世隆巡撫彭鵬以卓異薦格於部議

特命引

見擢廣東按察使四十八年遷廣東布政使五十六年以

粵西山多田少需米湖南而衡湘米船由永州奸
民藉禁糶阻索至商販不前米價多昂請于上官
禁止總督楊琳巡撫陳元龍疏奏准行尋擢貴州
巡撫鎮遠至常德灘河多溺患雲貴湖南三省官

修繕道國材率先捐助并捐修城垣及演武廳捐

衣四千襲給撫標兵捐穀萬石分貯安籠威寧大

定三鎮駐劄地方置旗幟弓矢服給各營五十八

年雲貴總督蔣廷錫疏叅國材有辦事才但每事

任性處死苗子阿容及王阿么等十六名以龍里

縣民薛有凌貴定縣民辜瑤平伐營民徐跳等親

生女嫁與楚人者指為掠販處以重刑將薛氏等

賞兵其進京

陛見各府屬指俸工借藩庫銀二萬五千二百兩餽送國

材疏入時國材在京會京題請以重價購辦日等

命九卿傳訊國材供與原叅互異九卿請營員糾測等賦

旨派員令國材赴黔面質等文王何公等十六各以請里

上遣刑部郎中齊克坦戶部主事謝檜齡往審國材實受

屬員餽送銀萬四千兩雖供充公究屬不合應降

三級調用餘案俱虛免議得旨令刑部交謝檜齡大

旨黃國材著解任尋奉旨令刑部交謝檜齡大

命解餉西寧二次六十一年十月授鴻臚寺卿督理子牙

河務逾月擢福建巡撫雍正元年四月疏稱

聖朝定例自順治八年奉有熟審減等之條遵行甚久康

熙四十三年停止熟審益恐罪人希冀減等挨延

時日不無資緣賄縱之弊但近年來夏日必

特沛恩綸暫釋刑具臣見閩廣下濕監犯之苦更甚伏思

皇上慎重民命直省讞案必

親加詳察多予矜全臣以為似宜復熟審舊例在減等如

慮延挨俸免則嚴飭各官按限完結毋任胥吏作
弊遲延庶罔罔悉蒙寬恤之仁矣

上嘉納之下部議行八月疏言章服爲等威所繫况物力
艱難尤當愛惜臣歷任外吏目睹地方淳樸者頗
多殷實奢靡者必至貧寒邇年八旗風俗奢靡衣
服貴賤相同請嚴禁僭越杜絕奢華白丁下賤人
等止許服黑色布疋不得用綾羅錦緞及各種細
毛違者重治

上曰此奏切中時病爾等姑且徐徐勸導倘仍不改革然
後嚴爲定制以法繩之耳九月疏言浙江雨水缺少寧
波等處民食維艱臣與督臣滿保撥福建省倉米
五千石臺灣府倉米五千石由海運往減價平糶
以濟民食又言浙江象山定海溫台等處缺米撥
閩省米接濟

上深嘉之十一月以年老乞休得
旨黃國材自撫閩以來操守廉潔辦事明白軍民共相愛

戴令雖年老身尚強健著照舊供職二年九月疏言福
建鄉試額中八十五名今人文日盛請照浙江湖
廣解額中九十九名

上命增四名尋以

頒賜御筆詩扇具疏謝

恩

諭曰汝之才情朕所素悉但於廉隅二字當加砥礪撫闈
以來聲名原居滿保之右近日滿保聲名頓然改觀汝

少不逮矣及其老也戒之在得宜於此語時繹之以自

警焉十二月疏報臺灣鳳山縣南路山前生番厯厯等

五社北路山後生番八里岡等六十五社諸羅縣

北路山前生番本祿等四社男婦五千七百九十

九名口歸化三年二月疏報臺灣彰化縣內山巴

萊遠麻著獅子頭等社生番男婦八百五十一名

六不口歸化

諭曰生番野性難馴全在地方文武官弁安戢得法封疆

大吏當嚴飭屬員施恩布教令其心悅誠服永無變更方不愧柔遠之道是時廣西巡撫李紱上墾荒六款請

將廣西積穀酌借貧民爲牛種農器資得十一

旨李紱條陳墾荒請動支監穀爲開墾之費不過爲開銷廣西昔年捐納穀石之計此項原係陳元龍王沛愷經手其間有名無實首尾不清之處甚多可著陳元龍王沛愷前往廣西將此項徹底清楚倘有不清著李紱查明據實叅奏三月李紱奏通政使臣王沛愷到粵咨稱

康熙五十三年前任廣西巡撫今陞禮部尚書陳

元龍奏明廣西捐納穀石至五十五年停止沛愷

於五十七年七月到廣西布政使任距停捐將及

三年其收捐穀石係陳元龍與前任布政使黃國

材任內之事當日總管官係桂林知府吳元臣柳

州知府趙世勳南寧知府沈元佐梧州知府李世

孝桂林同知黃之孝通判慕國璵六人每穀一石

折收銀一兩一二錢不等解交藩司通計捐穀百

欽定八旗通志 卷一百九十八 八旗通志 三
十七萬八千餘石應收銀百三十餘萬兩其發價
買穀約計銀四十餘萬國材交四府知府給屬採
買餘銀幾及百萬並無著落請將從前經手之督
撫司道等官質訊得旨旨旨旨旨旨旨旨旨旨

旨閱李紱奏疏當日收捐穀價數倍於正項著黃國材將
收捐始末情弊奏聞如敢欺隱必從重治罪國材疏稱
廣西捐納一事撫臣陳元龍與督臣趙宏燦委桂
林府知府吳元臣等在省城收捐委梧州柳州南

寧三府知府李世孝趙世勳沈元佐等在府收捐
因捐納人買穀需時議定每穀一石折銀一兩一
錢每石各府自存六錢以爲買穀蓋倉等項使用
內有羨餘係管捐府廳各官分得其餘銀五錢內
部費一錢督撫及布政使各一錢按察使及本道
各四分院司衙門書辦紙筆造冊人工飯食等費
各一分至部費一錢內臣動用三分湊修桂林平
樂梧州三府灘河及緯路營房等項業經奏明其

餘七分交撫臣作部科之費通計督撫司道共得
羨餘銀四十四萬七千七百三十五兩其四府所
得羨餘臣未經手未知其詳尋國材解任抵廣西
與各員對質督撫藩司每石得銀一錢屬實國材
扣留部科費內銀兩並藩司書辦人等飯食紙筆
銀兩應令賠補共銀二十四萬九百八十兩有奇
餘人各按數追賠分限五年完納四年八月
命以巡撫銜署正藍旗漢軍都統事十月協理兵部侍

郎未幾授正黃旗漢軍都統五年閏三月署兵部
尚書五月署刑部尚書七月授工部尚書七年四
月湖廣總督邁柱疏叅國材子湖北布政使黃焜
令家人開當逐利買房賃租國材有廣西捐納案
內應賠銀未完雍正四年又用銀六百兩買屋一
區悉行欺罔並不變產完帑得

旨令國材回奏國材疏稱臣自奉文追銀已交銀十五萬
九千兩又有商人領去綢緞皮貨變價銀三萬兩

在本年完交其餘房屋一時難售奏入以國材巧
辯欺詐革任九年十二月卒

宜兆熊

宜兆熊漢軍正白旗人曾祖永貴安徽巡撫以軍
功授三等男祖思孝副都統父廷輔襲世爵並見
永貴傳兆熊初襲二等男康熙二十五年追敘廷
輔征雲南功晉二等男仍以兆熊襲四十年補佐
領四十一年授叅領五十七年正月遷鑲白旗漢

軍副都統十月授正藍旗漢軍都統六十一年調
鑲白旗漢軍都統尋

命署福州將軍雍正元年二月實授兆熊疏言臣抵任年
餘練兵整械查駐防四旗及臣標兩營所用盤槍
皆係三段續成久必壞又子母礮祇十八位現捐
造盤槍千九百六十一桿子母礮二位以資操演

上以捐貲過多

論曰向後四旗兩營若有應行增造軍器不必捐貲宜動

公頃為之二年疏言駐防滿洲漢軍協領與在京八旗
叅領均三品嗣後在京副都統缺出請將協領與
叅領一體較俸開列得

旨此奏甚為公當朕卽位以來外省副都統缺出多用駐

防協領等補授內外皆朕臣工惟拔其優者用之耳尋

御書世有令德額

賜之

諭曰福州駐防兵丁風俗甚劣自爾到任後頗覺更易朕

實嘉之其益加約束務令全善三年七月

命署閩浙總督四年正月疏言臺灣南北兩路番社甚多

其為害于鳳山諸羅者則山猪毛等社于彰化則

水沙連等社山猪毛社前獲兇犯四名稍知畏至

水沙連社半載間焚殺疊見撫之不可勢不得不

示以兵威但宜以番攻番擇各社通事土官勇壯

者數人為導率番社直掃巢穴而以汛兵駐山口

壯聲勢疏入

報可尋因春雨漲請俟冬進勦九月授湖廣總督嗣繼任
 閩浙總督高其倬檄臺廈道吳昌祚協同叅將何
 勉等率弁兵番壯分路裹糧勦捕首惡骨宗等二
 十名就擒分別正法各社相繼歸誠兆熊

陞見

諭曰昨見宜兆熊精神力量甚覺勉強楚督節制兩省文
 武任鉅事繁統轄匪易且又一字不識但操守尚優心
 術亦正藹然有忠愛之誠為可取耳十二月調署直隸

總督五年正月疏言直隸各營兵餉經前督臣李
 紱奏准將下年春季餉銀于上年冬借司庫銀先
 行支給俟部撥徵解到日扣還蓋恐撥銀到遲兵
 未免守候洵良法可行而直屬陋弊于預支春餉
 外復借領銀于本年夏秋冬三季分扣兵或事故
 不一借後除名其銀或于新補兵坐扣或于闔營
 朋扣均非情理况庫帑豈可市恩私借致令虛懸
 請將現借出者于本年內照扣嗣後永停借給得

旨此奏酌中之論如所請行閏三月擢吏部尚書仍署總督事九月疏言磁州駐防千總一官微兵寡請令大名協右營守備領兵百九名移駐並令右營千總領兵百二十五名駐元城縣右營把總領兵六十一名駐小灘鎮從之十月又言霸雄等二十四州縣被水已蒙

恩散賑其地丁錢糧暫請緩徵得

旨朕念直隸濱河之地易于被水用沛特恩遣官賑恤至

被水之處仍應勘明分數題請照例蠲恤不得因已遭官發帑遂不照例遵行也時大名府知府曾逢聖因虧缺庫帑被劾

上以逢聖任畿輔有年贓款必多

命總督藩臬等轉諭所屬被屈受害者許據實控告于是吳橋縣生員竇相可控逢聖任吳橋時貪劣各款而布政使張适祖逢聖杖斃相可與按察使魏定國詐稱監斃兆熊及協理總督劉師恕徇匿不奏

上察知之

命尚書傅敏侍郎史貽直往鞫六年正月

諭大學士等曰宜兆熊乃平常無能之人因其尚忠厚謹
慎蒙

聖祖仁皇帝用至福州將軍伊並未出力報効及朕卽位
伊亦不過尋常供職前因直隸總督一時不得其人令
伊署理畀以畿輔節制重任教導訓誨至再至三乃伊
于此事若罔聞知負朕任用之恩甘蹈徇隱之咎尚得

謂事君以誠無欺無隱者乎二月傅敏等劾得實逢聖
擬絞監候適定國斬監候師恕降三級調用兆熊
銷加一級仍降二級調用得

旨宜兆熊著降調仍暫署直隸總督尋疏言宣化府屬之
保安延慶二州旗民雜處向無武弁防禦文職遇
調城池倉庫門禁鎖鑰乏員防護應撥張家口協
標兩營把總二員移駐改歸懷來永寧兩路叅將
都司轄從之五月

諭曰人臣和衷共濟始于公事有益朕視宜兆熊與劉師
怨意見不合諸事叅差若仍令同辦總督事務必致貽
誤宜兆熊原係庸碌之人朕因其操守可取故試用之
自署福建直隸兩任觀之全不曉事著回旗照部議所
降之級補用先是兆熊署直隸總督有南宮縣民杜枚
擲傷無服族祖母劉氏身死兆熊審擬以枚係獨
子請留養至是刑部議駁言枚母范氏年未七十
與例不符兆熊所擬失當

上敕部嚴加議處尋議革職九年卒子成祚降襲一等輕
車都尉卒子宗孔降襲騎都尉兼一雲騎尉卒子

榮祖襲

石文焯

石文焯漢軍正白旗人康熙三十二年由監生授
江南松江府同知三十八年遷蘇州府知府四十
三年遷甘肅洮岷道五十三年調貴州貴東道五
十五年丁母憂五十八年補江西饒九南道五十

九年擢江西按察使六十一年五月署福州將軍
六月署福建巡撫十一月授安徽布政使雍正元
年三月擢河南巡撫六月疏報沁黃並漲黃河北
岸馬營口等處隄壩多有塌陷桃園口支河三道
引溜北趨南岸蔣家寨水逼大隄工俱危險各飭
河員搶修無虞得

旨南北岸隄工桿禦有方殊屬可嘉九月疏言黃河經行
豫省千餘里自滎澤以下南北隄工均應加謹防

守查江南臨河州縣有同知通判專司河務河南
所設同知通判管轄數縣隄工而辦料募夫皆責
之州縣必得勤幹之員經理查祥符滎澤中牟鄭
州陳留蘭陽儀封商邱考城虞城武陟陽武原武
封邱十四州縣皆有隄工請定調補之例於本省
現任官員內擇廉能調補三年內能盡心辦理工
程平穩者題陞以示鼓勵下部議行二年正月疏
言豫省各案虧空追比年久無可變賠者自今年

爲始將臣衙門所有司道規禮府州縣節禮及上下各衙門一切節壽規禮盡行革除以杜州縣藉口之端以塞上司勒索之路遵例令各知府遴委賢員將州縣銀櫃封驗眼同折封將正項卽行起解使經徵官絲毫不能侵挪所有耗羨每兩約一錢三分通計全省耗羨銀四十萬兩有奇除各官酌量給以養廉及各項雜用公費悉於此支給外每年約餘耗羨銀十五六萬兩解貯司庫彌補虧

空及辦公之用至各官俱有養廉足資上司不至苛求屬吏州縣不至挪移庫項勒索之弊除而公帑亦長無缺矣疏入

上嘉納之七月疏言開封府轄四州三十縣河南府轄一

州十三縣汝寧府轄二州十二縣地方遼濶請改

設直隸州分轄將開封府屬之西華商水項城沈

邱分隸陳州臨潁襄城郟城長葛分隸許州密縣

新鄭分隸禹州滎澤滎陽河陰汜水分隸鄭州其

原武延津均在河北原武就近歸懷慶府管轄延津就近歸衛輝府管轄河南府屬之靈寶閿鄉分隸陝州汝寧府屬之光山息縣固始商城分隸光州從之是時浙江海潮泛溢仁和等十六州縣田廬被淹

命文焯署浙江巡撫撫恤災民九月疏言臣抵浙確勘災民戶口委員監賑查覈賑浮費甚多弊端不一且小民日赴廠食粥路有遠近扶老攜幼更多不便

臣與布政使佟吉圖細加商酌每大口日給穀四合小口二合人給三月口糧無穀之處照時價折給各委大員以次賑完其平湖奉化定海嵎縣永嘉五縣海寧二衛所雖被災分數不符蠲賑之例然水淹之苦同一情形酌給兩月口糧以廣

皇仁至衝決塘隄已飭各地方官修築以禦鹹潮所有舊築土塘應請改建石工其一切修砌善後事宜現在確查估計奉

旨此事當再三斟酌若修砌石隄一勞即可永逸則速議
改建假如勢小土隄亦可堵遏勢大雖石隄亦不能抵
敵何必曠日持久多爲糜費也文焯又疏言臣親歷海
塘查勘今年風潮原屬僅見是以塘工不能捍禦
隨分委大員將應修處丈估詳議土石塘工俱仍
舊制與修至原係土塘請改石工之處海潮勢大
難保無虞不敢輕議舉行

上以文焯前後奏互異毫無定見交新任巡撫法海議奏

十一日調西安巡撫三年調甘肅巡撫四年二月
疏言茶法原以裕課裕課必先便商臣查商人赴
楚買茶之船票必開載該商等引目茶數以爲沿
途照驗俾無留難再查舊例每引一道運茶百觔
以五十觔交官貯庫易馬五十觔給商變賣償本
外有附茶二三十觔以爲運費今商人運茶至潼
關廳官盤驗每引祇許過茶百觔附茶不准入陝
應請照會典每茶千觔准帶附茶四十觔又陝西

向設洮州河州西寧等五司賣茶每年衆商闡定
司分以杜避難就易之弊其地僻茶多不能盡售
者請准呈改別司發賣接濟新引度茶法得以疏
通議如所請又言各省軍犯俱發河西及平慶臨
鞏四府各衛充伍今各衛俱爲州縣祇有赤金靖
逆大通三衛若充發太多恐致疎縱請照河東各
衛歸併各府管轄之例令該州縣專管庶無疎虞
從之尋疏請裁平涼固原慶陽臨洮河州蘭州岷

州七衛西固一所各千總歸州縣管理下所司議
行五月以不能拘留叅員噶爾圖追帑完項部議
革文焯職又追議文焯前署浙江巡撫時蠲賑平
湖五縣海寧二衛所雖經奏明未具本題報應請
革任奉

旨從寬革職留任尋因文焯子禮哈爲貴州總兵勒平狎
苗有功

上推恩文焯

賜還原職五年六月以承審四川夔州府知府程如綵販私傷人一案錯誤

命永停給俸十月疏言平涼府屬西路同知及鹽捕通判俱駐劄寧夏從前寧夏未經改設郡縣是以掛平涼府銜今寧夏已改衛設府其所管驛站錢糧通判所掌鹽務俱由寧夏道考核應請改隸寧夏道府下以專考成從之是月以柔懦耳聾

召回京六年正月授禮部右侍郎三月調吏部左侍郎五月授兵部尚書十月調禮部尚書八年六月

諭曰石文焯原係無知庸材自內陞以來諸凡退縮毫無踴躍奮勉之心著革職以原品在八旗井田督率効力行走九年署直隸馬蘭鎮總兵十年總理

三陵事務十三年正月卒

欽定八旗通志卷一百九十八

欽定八旗通志卷一百九十八

欽定八旗通志卷一百九十八

欽定八旗通志卷一百九十八

欽定八旗通志卷一百九十八

欽定八旗通志卷一百九十八



